

## Gryphius, Andreas: XxXIV. An einen Vnschuldig Leidenden (1650)

1 Ein brandt pfall vnd ein radt/ pech/ folter/ bley vnd zangen/  
2 Strick/ messer/ hacken/ beyll/ ein holtzstos vnd ein  
3 Schwerdt/  
4 Vnd siedent öl/ vnd bley/ ein spies/ ein glüend Pferdt/  
5 Sind den nicht schrecklich/ die/ was schrecklich nicht began-  
6 gen.

7 Wer vmb die tugend leid't/ vmb recht-thun wird gefangen  
8 Vnd wenn es noth sein  
9 Dem wird für kurtze pein vnendtlich preis beschert/  
10 Er wirdt den ehren Krantz der nicht verwelckt erlangen.

11 Er lebt in dem er stirbt/ er steigt in dem er fällt  
12 Er pocht was tödlich ist vnd trotz die grosse Welt  
13 Vnd küst die Ewigkeit die er jhm anvertrawet.

14 Hat nicht der Höchste selbst sein höchstes wunderwerck  
15 In dem er starb verbracht auff Salems schädelberg?  
16 Der ist kein rechter Christ/ dem für dem Creutze grawet.

(Textopus: XxXIV. An einen Vnschuldig Leidenden. Abgerufen am 23.01.2026 von <https://www.textopus.de/poems/74>)